

Panjabi

Lo **panjabi** es una lenga indoariana parlada en Índia e en Paquistan.

Somari

Localisacion

Classificacion e dialèctes

Referéncias

Fonts

Localisacion

La lenga es parlada en Panjab, una region istorica partejada entre Paquistan e Índia (dempuèi l'independéncia dels dos païses en 1947). En Índia la lenga es parlada dins l'estat de Panjab, mas la mai granda part dels locutors son paquistaneses^[1].

Classificacion e dialèctes

Lo panjabi fa partida de las lengas indoarianas del nòrd-oèst, una branca de las lengas indoarianas, que fan partida de la familha indoeuropèa.

Lo panjabi foguèt longtemps una lenga orala. La primièra usança literària de la lenga es deguda al sikhisme en 1604, qu'escriguèt la lenga amb l'escritura gomorkha. Dins la part musulmana del Panjab, lo persan e subretot l'ordo èran las lengas de prestigi e an influençat la lenga. L'ordo demòra, en Paquistan, utilizat per los panjabis. En Índia, los locutors donan lo meteís ròtle a l'indi^[2].

En Paquistan, cèrtes dialèctes an creat lor pròpia norma lingüistica e tendon a se diferenciar del panjabi. Son lo saraiki, dins lo sud-oèst e l'hindko, dins lo nòrd^[2].

Referéncias

- Schackle 2007, p. 637.
- Schacke 2007, p. 640.

Panjabi

Parlat en	<u>Paquistan</u> , <u>Índia</u>
Regions	<u>Asia</u>
Parlat per	125 000 000 personas
Familha lingüistica	<u>lengas indoeuropèas</u> <u>indoirian</u> <u>indoarian</u> <u>nòrd-oèst</u> <u>panjabic</u> <u>panjabi</u>
Estatut oficial	
ISO 639-3	pan (http://www.sil.org/iso639-3/documentation.asp?id=pan) (en)



Los dialèctes del panjabi

Fonts

- (en) Christopher Schackle, 2007, *Panjabi*, dins The Indo-Aryan Languages, George Cardona, Danesh Jain (eds.) p. 637-682, Routledge language family series, Londres, Taylor & Francis.



Portal de las lengas

Recuperada de « <https://oc.wikipedia.org/w/index.php?title=Panjabi&oldid=2169060> »

Aquesta pagina es estada modificada pel darrièr còp lo 12 març de 2020 a 14.25.

Drech d'autor : Los tèxtes son disponibles jos licéncia Creative Commons paternitat pertatge a l'identic ; d'autras condicions se pòdon aplicar. Vejat las condicions d'utilizacion per mai de detalhs, e mai los credits grafics.
Wikipedia® es una marca depausada de la Wikimedia Foundation, Inc., organizacion de benfasença regida pel paragraf 501(c)(3) del còde fiscal dels Estats Units.